

Weitere Informationen

www.i-camp.de

<https://www.facebook.com/SyrianDreamsProject>

غيث أديب

July 26, 2011

هاد حلم تازة.... هلا فقت وهلا رح أحكيلكن ياه

يا الله أنا وعم اكتبو قطعو الكهرا.... فراح كلشي كتبتو

أنا ببيروت، وببيروت في ميترتو بس خط الميترتو كتير سنيل بينزل بالمى أوقات وهيك يعني مثل الرولر كوستر تبع الحدائق المائية... والسرفيسات هنيك ببشهو السرفيسات تبعنا بس ما الهن بواب وببمشو على السكة تبع الميترتو يعني ببشهو سيارات الغولف... المهم أنا راكب بوحد منهن وكثير غلظا لأنون سريعين وما الهن حزام أمان فيبضلني خايف أني أوقع بالمى

قاعد بمحطة القطار مع شلة من العالم بتطلع على يساري بلاقي فجأة اللوحة الالكترونية تبع مواعيد الوصول وكزا شرقت وطلع منها شرار... فيقول لحالي لعمى ما تقوم تشرقت اللوحة يلي فوقنا كمان... بطلع فوق فما بلاقي وحدة فوقنا لأنو نحنا عند آخر المحطة تقريبا وعلى يميني في القطارات واقفة وفوقي في السقف بس بقدر شوف السما إذا تطلعت فوق عالمين... يعني بالمايل

راكب بالميترو ورايح على بيت ريفي ببيروت في مجموعة من العالم يلي ما بعرفهن... أنا ورفيقي عم نغير مقاعدنا كل شوي وعم نرجع لورا... بسمع وحدة عم تصرخ كأنها جرس انداز: "عم نغرق عم نغرق عم نغرق..." بلاقي آخر الميترتو في مي عالارض... لأنو نزل على المي (مثل ما ذكرت من قبل الميترتو ببيروت مثل الرولر كوستر تبع المي) فبقلها أنو حاج تصرخي عادي هو هيك بينزل عالمي وكزا... فيتطلع عم تقول: دحآن دحآن دحآن (بس أنا كنت عم بسمعها عم نغرق)... فبلاقي وحدة ختيارة شوي عم تدخن سيجارة فبقلها: "أنو ما لازم تدخني بالميترو بس أنو يالله هالمرة معليش." بعد شوي بقعد بمكان فبلاقي عالطاولة (نعم في طاولة بالميترو) هيك ستيكرات وكياس صغيرة فيها شي مثل تعليقات الموبايل لونهن على برونز وكثير حلوين وبتذكر وحدة التعليقات على شكل يعسوب... المهم بيفضا تقريبا الميترتو وبقي فيه أنا ورفيقي وبتنين شكلهن كثير ظراف يعني من مودنا (الستايل والشعر واللبس حتى في وحدة حاطة من هدول النظارات العضم الحلوين) المهم من مودنا فأجو لعندي أنا وعم بيحبش بالستيكرات يلي على ما يبدو حدا نسيانهن... فيقولولي أعطيهن ستيكرات محددة... أو ببسالوني إذا معي منهن لهدول الستيكرات... فيقلهن أنو قعدو وشوفو شو بدكن منهن.. فبيقعدو شوي.. وبقول لحالي أنو والله منيح بركي منصير رفات على اعتبار أنو ما بعرف كثير عالم بلبنان وأنو شكلهن ظراف... بس للأسف بيطلعو كثير نفسيات وعم يعاملوني كأنني بشتغل عندهن أو أني عم بيع هدول الستيكرات... لأنو بعد ما يقعدو شوي معي عم فرجيهن الستيكرات المختلفة فيقولولي خود هي قائمة بأسماء الستيكرات يلي بدنا ياهنا وطلعلنا ياهون... فبقلهن أنو أنا ما بعرف فيهن، فيكن تاخدوهن كلهن وتنقو يلي بدكن ياه. فبتقلي وحدة بطريقة كتير نفسية: "أنو لا يا معلم ما رح ناخدهن كلهن.... لأنو... هه... ما معنا محل بالشنطة." المهم أنا بهالوقت يكون كثير منهمك معهن... وما عم بنتبه عالطريق ومعتمد على ريفي ليشوف الطريق... فبلاقيه فاصل. بطلع عالطريق بلاقي أنو صرنا بجرمانا... فبتبعص أنو "يا زلمة شلون بدنا نرجع هلا" فبيقلني: "عادي ما رح يفوت الميترتو على جرمانا ورح يرجع يلف ويرجع على بيروت." وبيصير نقاش أنو هو عم يقول أنو الميترتو ما رح يفوت على ساحة الرئيس وأنا عم قلو شكلو رح يفوت... فيبلف الميترتو وبيفوت من نص ساحة الرئيس يعني قدام التمثال وبيفوق